



ОБРАЗ
ПЕЧА
БЦЫ

ВЗЫСКАНИЕ
ПОГИБШИХ

АКАФИСТ Божией Матери
в честь иконы Ее
«ВЗЫСКАНИЕ ПОГИБШИХ»



АКАФИСТ

БОЖИЕЙ МАТЕРИ

В ЧЕСТЬ ИКОНЫ ЕЕ

«ВЗЫСКАНИЕ ПОГИБШИХ»



Приход храма Св. Духа сошествия
на Лазаревском кладбище
Москва 2011

ТРОПАРЬ, глас 7-й

Радуйся, Благодѣтельная Богородице Дево, во объѣтиих Своих Превѣчнаго Младенца и Бога носившая, проси Его дати миру умирение и душѣм нашим спасение. Сын бо Тебе, Богомѣти, вещает, яко вся прошения Твоя во благое исполнит. Сего ради и мы, припадающе, молимся и, надѣющіися на Тя, да не погибнем, имя Твое именуем: Ты бо еси, Владычице, Взыскание погибших.

- А38 Акафист Божией Матери в честь иконы Ее «Взыскание погибших». — М.: Местная религиозная организация Православный приход храма Святаго Духа сошествия на Лазаревском кладбище гор. Москвы Московской епархии Русской Православной Церкви (Издательство Сестричества во имя святителя Игнатия Ставропольского), 2011. — 32 с.

Подписано в печать 22.03.2011.

Формат 70х100/32. П.л. 1. Тираж 10 000 экз. Заказ № 131

Местная религиозная организация Православный приход храма Святаго Духа сошествия на Лазаревском кладбище гор. Москвы Московской епархии Русской Православной Церкви (Издательство Сестричества во имя святителя Игнатия Ставропольского). 129272, Москва, ул. Советской армии, 12, стр. 1 и 2. ОТДЕЛ РЕАЛИЗАЦИИ: (495) 689-15-54.

Отпечатано в типографии: Патриарший издательско-полиграфический центр. 141300, г. Сергиев Посад, Свято-Троицкая Сергиева Лавра.

- © Оформление, верстка. Местная религиозная организация Православный приход храма Святаго Духа сошествия на Лазаревском кладбище гор. Москвы Московской епархии Русской Православной Церкви (Издательство Сестричества во имя святителя Игнатия Ставропольского), 2011.



КОНДАК I

Избрáнней от Бога грешных За-
стúпнице, благоизво́лившей взы-
ска́ти овцы заблúждшия, мы, недо-
сто́йнии, собóрное пение ныне прине-
сём: умоли́, Богома́ти, Сына Твоего
неправды наша милосéрдием покры́ти
и расточénныя вкúпе собра́ти, союзом
крепким мира и любвё соединив, да
будет еди́но стадо и един Пастырь,

Печатается по изданию: Акафистник. Том 1. М.
Издание Московской Патриархии. 1989.

вси же, благодатию спасёнными, да зовут Ти:

Радуйся, Благодатная Богородице Дево, погибших Взыскание.

ИКОС 1

Ангелов Творец в Совете Превёченем Святыя Троицы благоизволи послати Сына Своего Единороднаго на спасение мира смертию Его. По исполнении же времён послан бысть Архангел благовестити Тебе, Благодатная, о преславнем зачатии Твоем. Ты же рекла еси: «Се, Раба Господня, буди Ми по глаголу Твоему», и Слово Отчее плоть бысть и вселися в Тя. Темже, Обрадованная, востекла еси ко Елисавете и, Духом Святым от нея Материю Господа наречена быв-

ши, песнь Всевышнему принесла еси.
Сего ради и нас научи́ пети Тя, я́ко
Богородицу и Присноде́ву:

Радуйся, Дево, от веков Богоиз-
бра́нная.

Радуйся, Ма́терию Божию я́вль-
шаяся.

Радуйся, Свобо́дителя мира ро́жд-
шая.

Радуйся, Нача́ло спасения нашего.

Радуйся, благодати Живонóсный
Исто́чнице.

Радуйся, пла́меню молитвы неуга-
са́яй.

Радуйся, Хра́ме Бога Жива́го, нас
освяща́яй.

Радуйся, образ дивный на утеше-
ние нам явившая.

Радуйся, Благода́тная Богородице
Дево, погибших Взыска́ние.

КОНДАК 2

Вѣдѣюще образъ «Погибшихъ Взысканіе», зримъ, ка́ко Отроча́ младо, Превѣ́чный Богъ, открыва́етъ Тебѣ́, Мати, волю Отца Небеснаго, И́же не хочетъ смерти грѣшника. Ты же, ра́дующися о таковѣ́й благодати, прѣ́сиши Сына Твоего, да ниспѣ́шетъ намъ силу благодати злѣ́я въ себѣ побежда́ти и творѣ́ти благѣ́я, пою́щимъ Ему: Аллилу́иа.

ИКОС 2

Разумъ человѣческій недоуме́етъ, ка́ко Дева вни́де во Свята́я Святы́хъ, уготовля́ющи Себѣ въ черто́гъ Небе́сному Царю. Храмъ у́бо Божій есть и́стинное Твое, Богородице, жили́ще, Твое на земли́ небо, иде́же съ Сыномъ пребыва́еши и съ верою молящихся

спаси́тельным Таинством приобща́-
еши. Простри́ же покров Твой на нас
и на чад наших и в единомы́слии всех
соблюди́, да единоду́шно славим Тя:

Радуйся, Трапéзо Церкви Христо-
вой.

Радуйся, Агнца Божия Мати.

Радуйся, союзом любвѣ супругов
соединяющая.

Радуйся, чадорóдием родителей ве-
селя́щая.

Радуйся, от купéли Крещения бла-
гая Восприёмнице.

Радуйся, бедствия сирóтства ско-
рое избавление.

Радуйся, скорби ма́терей утoля́-
ющая.

Радуйся, Всепéтая, мирное житие
устрoяющая.

Радуйся, Благодѣтельная Богородице
Деве, погибших Взысканіе.

КОНДАК 3

Силу и славу Божества премудро сокры́ воплощённое Слово Отчее: Сын Божий наречёся Сын Человеческий, снѣде на землю, яко Пастырь добрый, душу Свою за овцы полагая; в дебрех греха заблуждших ищя, вся глаша по имени и скверну во истощнице покаяния омывая; насладившеся же пажитию приятною, яко овцы словесныя благодарственно воззовем Ему: Аллилуиа.

ИКОС 3

Имущи попечение о спасении грешников, всяк день, Божия милосердія светильник возжѣвши,

ищещи прилежно, Владычице, яко жена Евангельская, драхму утѣрянную, сирѣчь душу, образ Божий утратившую и страстьми помраченную. Тую обретши, радуешься и в горнило раскаяния ввергаеши ю, да обновится житием, воспеваючи Ти сѣце:

Радуйся, Добраго Пастыря Мати.

Радуйся, грешников к небу воззвание.

Радуйся, спящия совести пробуждение.

Радуйся, слезному покаянию научающая.

Радуйся, наша пред Богом Споручнице.

Радуйся, праведнаго Божия гнева умягчение.

Радуйся, кающихся исправление благодатное.

Радуйся, исполняти заповеди силу
подающая.

Радуйся, Благодáтная Богородице
Дево, погибших Взыскание.

КОНДАК 4

Бурю страстей сына блуднаго ук-
ротѣв, объ́ятія Твоя отвѣрзл еси
ему, Господи. И женѣ-грѣшнице, слеза-
ми нóзе Твои омы́вшей, рекл есѣ: «Про-
щаются ти гресѣ твои». Не судѣти бо
мир послá Отец Сына Своего, но дáти
спасение, сего ради радость вѣлія бы-
вает на небесѣ о грѣшницах кáющихся,
Ангелом пою́щим: Аллилуиа.

ИКОС 4

Слы́шания гласа Добраго Пасты-
ря отвращáются грѣшницы, во
глубинú зол впáдшии, страх Божий

презрѣвши и слáдостию греха прельщáемии. Кто же упасёт сих, путем погибельным идущих, áще не Ты, Мати Милосердия? Вознóсиши бо к Сыну Твоему глас плачѣвный мáтерей сих несчастных, сýлою состра́ждущей любвѣ их борéния облегчáеши да обрѣтше благодатную помощь и надежду спасения, благодарят Тя сýще:

Радуйся, рýку милосѣрдия погибáющим простира́ющая.

Радуйся, во вражде сущих прими́ряющая.

Радуйся, падших благо́е взыскание.

Радуйся, тайных пороков врачевáние.

Радуйся, Еюже клеветá и кова́рство обличáется.

Радуйся, Еюже пламень сластолюбия угашается.

Радуйся, отчаянных надеждо последняя.

Радуйся, к жительству доброму возвращение.

Радуйся, Благодатная Богородице Дево, погибших Взыскание.

КОНДАК 5

Божественным светом любви души
Бозлоблении осияв, Христос Бог
коль многим страждущим благотвори:
слепцы просвети, прокаженные
очисти, хромые и расслабленные
исцели, алчущие хлебом напитаны. Верую же
исцеление приявши, всех болящих
увещевают милосердию и всемогущей
силе Врача Небесного предаться,
поюще Ему: Аллилуиа.

ИКОС 5

Видим, како излива́ется исто́чник
цельбоно́сный благода́тного уте-
ше́ния молящимся пред иконою Твоею,
Влады́чице: недúгующии силою веры
воздвиза́ются, уныва́ющие ободрé-
ние получают, печаль в радость пре-
творя́ется. Сего ради и страдания ✓
многим на пользу ко врачеванию язв
душе́вных Ты обраща́еши; тех же сво-
бо́ждшися, благодарственно зовём Ти:

Радуйся, Мати Врача Небеснаго.

Радуйся, Твоими молитвами исце-
ля́ющая.

Радуйся, Святых Таин Причастия
сподобля́ющая.

Радуйся, тяжко болящих благое
посещéние.

Радуйся, в немощи по́мооще все-
сильная.

Радуйся, разсла́бленных членов
укреплéние.

Радуйся, слепых прозрéние, хро-
мых хождéние.

Радуйся, умом обй́женных защ́ито
и утешéние.

Радуйся, Благодáтная Богородице
Дево, погибших Взыскание.

КОНДАК 6

Предука́занную Богом Отцем чашу
страданий за грехи рода нашего
испíти готóвяся, Христе Боже наш, в
вертогра́де Гефсимáнстем трикра́ты
молился еси: «А́ще возможно есть, да
мимо йдет от Мене́ чаша сия, обáче не
Моя воля, но Твоя да будет». Егда́ же
воззовёт нас Господь на подвиг или́
скóрбная обстоя́ния пости́гнут нас, сию́

МОЛИТВУ ВЛОЖИМ ВО УСТА НАША, ДА БО́ДР-
СТВУЕМ И ПОЕМ ВО ВСЯ ДНИ: АЛЛИЛУИА.

ИКО́С 6

ВОЗЗРЕ́ВШИ милостивно на греш-
ную Ма́рію, возопі́вшую Тебе,
Богородице: «Ныне буди ми ко спасе-
нию На́ста́вница»,— направи́ла еси́
ю́ в пу́стыню Иорда́нскую. Та́мо ук-
репи́ла еси́ ю́ в по́двизе покая́ния, и
я́ко дости́гшую равноа́нгельнаго жи-
тія, в чертог Сы́на Своего́ ввела́ еси́.
Та́кожде и нас, Благода́тная, научи́
восходи́ти путе́м покая́ния, да вку́пе
с угоди́вшими Бо́гу поем Ти:

Ра́дуйся, ве́ры и благо́чества На-
ста́внице.

Ра́дуйся, в по́двизех Помо́щнице
неизме́нная.

Радуйся, воздержанія богоугоднаго оправданіе.

Радуйся, молитвы Споспешнице усёрдная.

Радуйся, страха Божия Насаждёние.

Радуйся, целомудрія Блюстительнице неотступная.

Радуйся, любви и милосердія Источнице.

Радуйся, смирением в горняя приводящая.

Радуйся, Благодатная Богородице Дево, погибших Взыскание.

кондак 7

Яко зна́мение вольнаго истоща́нія Твоего, Господи, Крест Твой на ра́мо взял еси́ и к месту ло́бному пошел еси́. Ты же, о Богома́ти, востек-

ла еси́ вслед Сына Твоего, ут́робою
болѣзнующи и ничт́оже вопреки́ гла-
голющи, нас же навча́ющи пети Ему:
Аллилуиа.

ИКОС 7

Новая свещá любви возгорѣся во
тме мира сего, егда́ Агнец Бо-
жий вознесѣ грехи наша на Дре́во. Се,
Мати Божия у Креста Сына Своего
усыновля́ет Себе род человеческий и,
бремя грехов разделяючи, восприем-
лет и мира наказание. О Всенепороч-
ная Дево, скорбь крестную в послуша-
ние воле Отца растворившая! Укрепи
сердце наше во дни бедствий, да си́це
песносло́вим величье Твое:

Радуйся, Агнице, Агнца на заклá-
ние приведшая.

Радуйся, Крестный Путь Сына
Твоего слезами оросившая.

Радуйся, муки Его сердцем разде-
лившая.

Радуйся, Крест яко орудие взыска-
ния грешных вземшая.

Радуйся, от Благовѣщения и до
Гроба Сыну послужившая.

Радуйся, Рабо́ Господня, волю От-
ца тем исполнившая.

Радуйся, сѣрдца скорбнаго отрадо.

Радуйся, идущих тесным путем не-
бесная наградо.

Радуйся, Благодатная Богородице
Дево, погибших Взыскание.

КОНДАК 8

Странных сумнѣний волны пото-
пляют нас в мори житѣйстем, и в

стра́се вопи́ем Ти: Господи, спаси ны, погибаем. И слышим глас вездесу́щаго Слова, не то́кмо Петру, но коему́ждо глаго́лющий: «Почто́ усумни́лся еси́?» Устыди́мся же, малоду́шнии, силою благодати укрепля́еми, ум свой с ве-рою устремим к Богу Крепкому, Жи-вому, взыва́юще: Аллилуиа.

ИКОС 8

Всякую душу из тмы заблуждѣния хотящи избавити, Богомати, де-вице Екатерине в соннем видении Младѣнца Христа показала еси́ и ко Крещѣнию привела еси́ ю. Христос же Господь мудрую деву обручи́ в не-весту Себе и яко исповѣдницу веры просла́ви, мученическим венцемъ же украси́ ю и Царствия Небѣснаго спо-

дóби. Мы же, премудрости Божией
дивя́щеся, Наставницу заблúждших
сйце восхвалим:

Радуйся, Света Истиннаго Мати.

Радуйся, душй́ омрачénныя про-
свещéние.

Радуйся, бури смущéний разсéяние.

Радуйся, мира и тишины водво-
рéние.

Радуйся, веры истинныя утверж-
дéние.

Радуйся, вóлны сомнения о камень
веры разбивáющая.

Радуйся, Православия тихий свет
сохраня́ющая.

Радуйся, стадо Христово во едйно
собирающая.

Радуйся, Благодáтная Богородице
Дево, погибших Взыскание.

КОНДАК 9

Всякое существо́ челове́ческое, Любoвию Божественную согрѣтое, к Богу, в Троице славимому, возно́сится, Виновнику жизни и безсмертия. Познавши же, я́ко любовь есть блаженство общ́ения, душа коегóждо вопи́ет Ему: «Благодѣтелю мой, даждь ми, да весь пребуду в Тебе, Ты же во мне», да вси ед́ино будем и согласно воспо́ем: Аллилуиа.

ИКОС 9

Весь мир лежит во зле, и брани кровoпрол́итныя от разж́ения злобы ражда́ются. Мати Мира, человеки с Богом примир́ившая, водвори́ мир и тишину во всел́енней! Изб́ави Отечество наше от наш́ествия вра-

жия, мирный же труд наш на пользу душевную благослові, да вси тако восхва́лим прі́сное заступление Твое:

Радуйся, Благословѣнная, вражды разрушение.

Радуйся, благодати море неисчерпаемое.

Радуйся, злая сердца умягчающая.

Радуйся, ненависть силою любви истребляющая.

Радуйся, противу врагов помощи победоносная.

Радуйся, града Москвы охрано неусыпающая.

Радуйся, Отечества нашего крепкое миром ограждение.

Радуйся, мира всея вселенныя утверждение.

Радуйся, Благодатная Богородице Дево, погибших Взыскание.

КОНДАК 10

Спасаяй мир излиянием Пречистыя Крове Твоея, прорёкл еси, Христе Царю: «Аще Аз вознесён буду от земли, вся привлеку к Себе». Тогда же показал еси страданий Твоих силу животворную: разбойнику рай отверзается, сотник Сыном Божиим Тя исповедует, мы же, язвами Твоими от древняя клятвы свободившися, из глубины сердца взываем: Аллилуиа.

ИКОС 10

Стена еси нерушимая, Благая Мати, от нападений врагов невидимых, ищущих кого поглотити или разбить о камень злочлечений и бед. Яко Око недремлющее, зриши врага приближение и надёющихся

на Тя от всяких обстояний спасаеши, да вси позна́ют предивное Твое промыслѣние, сѣе взыва́юще:

Радуйся, Держа́вная, духа злобы отгна́ние.

Радуйся, внеза́пная смерти свободѣ́ние.

Радуйся, о́гненного запале́ния избавля́ющая.

Радуйся, сущих во мра́зех согрева́ющая.

Радуйся, утопающих дивное спасе́ние.

Радуйся, без вести пропавших обрѣ́тение.

Радуйся, губи́тельных болезней прекра́щение.

Радуйся, Ми́лостивая, от напастей злых исхища́ющая.

Радуйся, Благодáтная Богородице
Девó, погибших Взыскание.

КОНДАК II

Пение надгробное и плач Богородицы, и повѣтие Плащаницею от Иосифа с Никодимом благоволи́л еси́ при́яти, Жизнода́вче Христе, егда́ прешѣл еси́ врата смерти, яко Богочеловѣ́к, плотию уснув. Сын Человеческий́ душу́ Свою́ положи́ за грешники, явив тем любовь Свою́ к роду человеческому, ад же облистá силою́ Божества́, да вся преиспóдняя трепѣ́щут, слышавше ангельскую́ песнь: Аллилуиа.

ИКОС II

Света невечѣ́рняго Мати, еди́на падших исправлѣ́ние! Про-

свети, очисти, обновѣ лукавое житіе наше, да не приѣдем ко гробу нашему то́кмо бремя грехов носящии. Милостивно бо Ты приѣмлеши послѣднее воздыхание кающихся и силою благодати от неѣстовых истязателей дѹши верных свободжаеши. Буди нам Путеводительница во обители вечныя, идеже вси праведнии пребывают, ныне немолчно глаголющии Ти:

Радуйся, Победителя смерти рождашая.

Радуйся, подвижников сіло неоскудевающая.

Радуйся, памяти смертныя дарование.

Радуйся, тяжких грехов нечаемое разрешеніе.

Радуйся, престарелых упокоеніе желанное.

Радуйся, умирающих о Господе
срѣтение.

Радуйся, надеждо вечнаго спасе-
ния.

Радуйся, о нераска́янных даже до
Страшнаго Суда Ходáтаице.

Радуйся, Благодáтная Богородице
Деве, погибших Взыскание.

КОНДАК 12

Благодати источник присноте-
ку́щий открыл еси́ миру, Христе
Спасе, Воскресением Твоим: умерт-
ви́ся смерть, пленѣн бысть ад, небо и
рай верным отверзо́шася. Сыне Бо-
жий! Соделай ны верою сына́ми све-
та, да вни́дем, молитвами Богороди-
цы, в чертог славы Твоея́ с песнию:
Аллилуиа.

ИКОС 12

Воспева́юще благоде́яния Твоя, Богородице, роду христианскому, славосло́вим Твое ко грешным милосе́рдие, велича́ем о заблúждших промы́шление, песносло́вим теплое о мире предста́тельство. Сокро́вищнице даров Духа Святаго! Изливай обильно благодать и милость всем унывающим и бедствующим, благодарным сердцем приносящим Ти похва́льная:

Радуйся, тайны искупления Провозвѣстнице.

Радуйся, Мати Сына Божия, главу змíя стѣршаго.

Радуйся, Благодáтная, я́ко сотвори́ Ти величие Сильный.

Радуйся, яко величие сие почита́нием иконы Твоея́ возвещáется.

Радуйся, теплыя слезы о мире проливающая.

Радуйся, и во Успении Твоем нас не оставляющая.

Радуйся, Церкви Христовой покрове и радование.

Радуйся, Благая Вратарнице, двери райския верным отверзающая.

Радуйся, Благодатная Богородице Дево, погибших Взыскание.

КОНДАК 13

О Богоизбранная Дево, погибших Взыскание и Наставнице заблуждших! Пролей теплыя о нас слезы, просвети души, во мраце отчаяния сущия, и на путь заповедей настави, да не будем овцы погибшии, но вся ны приведи к Сыну Твоему и Богу на-

шему, Иже спасает Тобою души наша,
да радостно вопиём Ему: Аллилуиа.

*Этот кондак читается трижды.
Затем 1-й икос: «Ангелов Творец...»
и 1-й кондак: «Избранней от Бога...»*

МОЛИТВА ПЕРВАЯ

О Богоизбрáнная Засту́пнице греш-
ных, погибших Взыскание и заб-
луждших Наставнице! Ты бедныя сло-
вѣсныя овцы́, от пáжити Сына Твоего
своево́лием удалѣвшіяся и в дѣбрех
греха блуждающія, не презира́еши,
но, шѣдши, ищѣши заблуждшую. Кто
исслѣдит пути милосердія Твоего?
Буди милостива ко всем: погибающих
из бездны погибѣли извлѣцѣ́, заблужд-
ших обря́щи и настави, удалѣнных об-
ратѣ́ и привлѣцѣ́, обраща́ющихся к Тебе
и приближа́ющихся приими́ и спаси.

Всех же кающихся к Сыну Твоему, Доброму Пастырю и Богу нашему приведи, да молитвами Твоими не будет ни единыя овцы без вести пропавшая, но да будет еди́но стадо и един Пастырь, Иже упасет души наша и откры́ет нам ходатайством Твоим двери во обители вѣчныя. Аминь.

МОЛИТВА ВТОРАЯ

О Пресвятая Владычице Богородице, погибших Взыскание! Призри милостивным Твоим о́ком на молящихся пред честною иконою Твоею. Воздвигни нас из глубины греховныя, просвети ум наш, омраченный страстьми, уврачу́й язвы душ и телес наших. Ты бо вѣси непрестающія скорби и вся нѣмощи наша; даждь нам руку помощи, облегчи́ страдания наша. Буди

нам милосердия и мира источник,
утешение в бедѣх и крепкое прибежи-
ще грешником кающимся. Дáруй нам
исправление греховныя жизни нашея,
заблúждших на путь правый настави,
падших и погибающих силою благода-
ти спаси. От внеза́пныя смерти избави,
с Сыном Твоим и Судиею Праведным
нас примири́ и вечныя муки свободи́.
Милосердным же предстáтельством
Твоим сподóби нас всели́тися во оби-
телях небесных, иде́же непрестáнный
глас празднующих радостно славит
Пресвятую Троицу, Отца, и Сына, и
Святаго Духа, ныне, и присно, и во
веки веков. Аминь.



Ч

через Свою икону «Взыскание погибших» Пресвятая Богородица подает утешение и помощь в самых разных скорбях и нуждах: перед ней молятся об обретении пути спасения, об освобождении от пороков и исцелении различных недугов, об избавлении от отчаяния, а также о благополучии предстоящего брака, устройении судьбы детей и спасении их от гибели.

Чудотворный список иконы «Взыскание погибших» находится в храме Воскресения Словущего на Успенском вражке. По воскресеньям в 17⁰⁰ совершается вечерня с чтением акафиста перед этой иконой. Адрес: Брюсов переулок, 15/2. Проезд: м. «Охотный ряд», «Пушкинская», «Тверская», далее пешком.

В Московском Покровском монастыре находится икона «Взыскание погибших», написанная по благословию святой праведной Матроны Московской. Адрес: ул. Таганская, 58. Проезд: м. «Таганская», «Марксистская», выход на ул. Таганская, трол. 16, 26, 63, вторая остановка, «Абельмановская застава». Тел.: (495) 911-49-20.



В Москве также действует храм в честь иконы Божией Матери «Взыскание погибших» (надвратный). Адрес: Софийская наб., 32. Проезд: м. «Третьяковская», авт. 25; м. «Китай-город», авт. К. Тел.: (495) 953-64-77, 953-64-92.